

SANITÉ: Le dotur Eduard Agreiter é demez en chëst'edema ai 10 y ai 11 döt le dé y ai 12 danmisdé y vëgn sostitui dala doturia Grete Mahlknecht 349 06 67 034

La doturia Grete Mahlknecht é demez ai 13 y ai 14 de forá y vëgn sostituida dala dott.ssa Lodovica Mattioni 328 85 90 842.

COMUN: Al vëgn lascé alsavèi che les domandes do contribuc y aiüc economics por l'ativité ordinara tl ann 2025 a uniuns/assoziazions mëss gní dades jö te comun cina le lönesc, 31.03.2025. I modui por la domanda é da ciafé sot a news sön la plata internet dl Comun www.comun.sanmartindetor.bz.it o tl secretariat de comun. Domandes dades jö do chësc termo ne vëgn nia plü tutes en conscideraziun.

Refodam bio: dal 1 de jená 2025 inant mëss le refodam bio gní metü tla bëna dal refodam bio zënza resc vërc (erba, fëies, brüscas, rames y lignan) y zënza patüc che n'alda nia lapró (osc, scüscas d'üs y scüscas de concores (conchiglie). Les tasces biodegradables o compostables NE PÖN NIA plü tó, dal momënt ch'ares pó compliché y desturbé le prozes da revaluté le refodam bio, mo ma plü les tasces de papier ch'an ciafa debann te comun.

PLOANIES SAN MARTIN Y LUNGIARÜ

Invit ala ora d'oraziun en vëndres, ai 14 de forá dales 20.00 tla stüa dla ciasa de nosc Sant a Oies.

Le Sorvisc ai Jogn Val Badia mët a jí "Dis de preparaziun al maridé" la sabeda y la domènia, ai 29 y 30 de merz 2025, tl zënter SaJ.un a La Ila. Al sará referac y formaziun tl ciamp dla comunicaziun, relaziun, spiritualité, sanité y dërt. Le program, orars y cost é da ciafé sön la plata internet: www.jogn.org. Le numer di partezipanc é limité y al é da s'anunzié pro le Sorvisc ai Jogn al 342 84 10 721 o a odette@jogn.org cina ai 17 de merz.

SAN MARTIN

Lîtes de Comun: La Lista Ciastel da San Martin invièia duc a dé jö propostas de candidac da sté sön lista por les lîtes de comun da d'aisciöda, en chësta domènia, ai 09 de forá, tl Salf di Stödafüch a San Martin dales 9.30 ales 12.00 y dales 17.00 ales 18.00.

LUNGIARÜ

Invit a na sèra cun dr. Paoli Maieron ai 12 de forá, dales 19.30 tl salf dl païsc. Al nes baia de: "Trufes online - co poi pa me sconé y a ci mëssi pa mëte averda! Ci poscibilités ái pa da ghiré le dann?" Organisaziun: KVV col sostëgn dl Consèi de Formaziun de San Martin de Tor.



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
redaziun: anton.gasser@rolmail.net - 348 27 44 517 / 0474 523194

09.02. - 16.02.25 n. 11

termo por comunicaziuns: jöbia, dales 20.00

5^a Domènia ia por l'ann C

Vangele do san Lüca 5, 1-11

..... Gejü é jü tla barca, che ê de Scimun, y l'à perié de jì n toch dancierà dala tera. Spo s'âl sentè y ti insignâ ala jënt dala barca infora. Canch'al â rovè súa pordica, ti àl dit a Scimun: Va fora alaleria! Dailò sciurede ostes rëis por la pëscia! Scimun ti à respognü: Maester, i ùn lauré döta la nöt y i n'ùn pié nia. Mo sön túa parora sciurarà fora les rëis.

Chësc ài fat, y ai à pié n te' gröm de pësc, che sües rëis manaciâ da se scarzè.

⁷Porchël ti ài fat sëgn ai compagns tl'atra barca, ch'ai gniss y i daidass. Ai é gnüs, y deboriada ài implì trames les barches cina al ur, ch'ares manaciâ da jì sot. Canche Scimun Pire à odü chësc, s'âl petè jö dan i pîsc de Gejü y à dit: Signur, va demez da mè; i sun n picíadù.



La cuntia dla cherdada di pröms discepui é na storia plëna de mirachi.

Le mënder miraco me sá a me chël dla pëscia miracolosa.

Cotan maiú me sá le miraco ch'al é tan de jënt che s'abina incër Gejü, por aldí súa parora, tan ch'al mëss jí te na barca ite tl lech por se fá aldí, deperpo che la parora de Dî s'á dagnora fat plütosc ert da arjunje la jënt te sü impëgn de laur, te sü fistidi y te sües ligrëzes.

Y sce la jënt é buna da se fá lëdia por n pez da so intravaiamënt, spo é chësc n miraco, sides dan 2000 agn co ince incö.

Y spo él ciámó le terzo y maiú miraco, chël, ch'al é trëi jogn che se destaca dala normalité de súa vita, por ti jí do ala parora de Dî - sides dan da 2000 agn co ince incö.

Michael Tillmann

EDEMA - C	SAN MARTIN	LUNGIARÜ
09.02.25 5 ^a Domènia ia por l'an C	8.30 Corona 9.00 Zelebrazion dla Parora de Dî	7.50 Corona 8.15 Gran Mëssa por la comunité ++ Maria Dapoz y Roslinda Deiacò vis y def. de Clemente y Cherubina Clara + Vinzenz Clara, Postin + Pire Clara, Mair
10.02.25 Scolastica, Silvan Lönesc		7.45 Mëssa di scolars + Sepl Clara, Sanví
11.02.25 S. Maria da Lourdes Dedolönesc De mondial di Amará	16.00 Mëssa tla capela da Bioch de reogr. benefaturs S. Maria da Lourdes ++ Paul y Loise Videsott	
12.02.25 Luzian, Donata Dedemesaledema		7.30 Mëssa ++ Paul y Maria Castlunger defunc dl Caizer
13.02.25 Adolf, Gisela Jöbia		
14.02.25 Ziril y Metode Vëndres Valentin	18.30 Adoraziun chîta 19.00 Adoraziun deboriada	
15.02.25 Sabeda Siegfried, Faustin	18.30 Mëssa prefestia de reogr. fam. Martin Costalunga + Alfred Zingerle + Artur Conrater, dl ann + Clara Frenner Zingerle, dl ann + Maria Clara Verginer, dl ann	
16.02.25 6 ^a Domènia ia por l'an C	9.30 Corona 10.00 Gran Mëssa por la comunité + Egon Valentin, dl ann + Giovanni Flöss, dl ann	7.50 Corona 8.15 Gran Mëssa por la comunité aniv. + Giovanni Clara, Tondlisl aniv. ++ Monica Mischi y Pire Daporta + Albino Daporta vis y def. fam. Benedikt y Franziska Clara 14.00 Bato de Max Clara de Mathias y Marina Dapoz Bato de Julian Rives de Roberto y Federica Clara



**Oraziun
por le 33^o De mondial di amará
ai 11 de forá**

*Dî, Pere dla vita,
insëgnesse co che la soferënza
pó diventé n post
da ciarfé speranza.*

*Signur Gejú Crist,
tò as orü tò pert
ala soferënza dla jënt.
Renovëia nosc amur
y lascia lominé sura nos
la stëra dla speranza.*

*Spirit consoladú,
renforza te nos la speranza
y stái dlungia ai soferënc
te süa surité.*

*Insëgnesse
da patí cun y por nosc proscim.*

*Santa Trinité
insëgnesse
da creïe, da speré y da orëi bun
sciöche Maria, nosta uma.*

Oraziun dla C.E.I.